

Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Interim quod sacerdos sacrificaturus sacris se induit vestibus, orationes
deuotissimæ ore aut mente ruminandæ.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

in quo pascatur & quiescat anima mea. Quapropter te ipsum mihi largire. Misere-
re quæso mei Deus meus, & salua me. Amen.

Interim quod Sacerdos sacrificaturus sacris se induit vestibus, ora-
tiones deuotissimæ ore aut mente ruminandæ.

Quando sacerdos induit se scapulari, & stringit se cum funiculis, Precatio.

IEsu amabilissime, qui iniquorum manibus dire ligari instar latronis voluisti,
dirumpe quæso vincula peccatorum meorum, ut hostiam tibi laudis sacrificare
possim, ac nomen tuum sanctum iugiter invocare. Iesu benignissime, qui co-
laphizari & immundis sputis pulcherrimam faciem tuam, in quam desiderant
Angeli propicere, voluisti maculari, cædi ac velari, illumina oculos meos, & res-
picere in me oculis benignissimæ misericordiæ tuae, quibus Petrum ter te negantem
respexisti, omniaq; mea peccata profundissimis tuis operi vulneribus, ne in die
indicij mihi exprobrentur. Qui viuis & regnas &c.

Dum albam sacerdos induit, Precatio.

IEsu clementissime, qui hora Prima diei pro me Pilato Präfidi præsentari, fal-
loq; voluisti accusari, & à Pilato ad Herodem mitti, atque ab eodem & exercitu
eius derideri, in vestig; alba illudi, & sic ad Pilatum reduci. Da mihi mundi
huius prudentiam, que non nisi merita stultitia est apud te, sapienter declinare, tegi
agnum sine macula in stolis albis innocentia, & simplicitatis & virginis candoris
incessanter fideliterq; imitari. Qui viuis & c.

Dum zonæ se succingit sacerdos, Precatio.

IEsu dulcissime, qui hora Tertia pro me, à Iudeis Barrabam dimitti petentibus,
reprobari, & ad columnam funiculis dire ligari, flagellisq; duris cædi voluisti,
ita ut in corpore tuo à planta pedis usque ad verticem capitis nulla in te appa-
rere sanitas: corripe me tu iuste in misericordia tua, dum in hac vita sum, & noli
mihi mala mea & peccata in diem iudicij tui referuare. Qui cum Deo Patri &c.

Dum manu pulum induit, Precatio.

IEsu charissime, qui funem quo fuisti ad columnam in flagellatione ligatus, in
sinistro brachio deferre voluisti, & arundinem pro sceptro in dextra derisorie
tibi dari, da mihi funem peccatorum meorum quibus circumplexus sum, in si-
nistra detestationis & contritionis deferre, ut arundinem sive palmam victoriae,
in dextra merear suscipere atque gestare. Qui &c.

Dum glolam induit, Precatio.

IEsu fidelissime, humani generis amator, qui hora diei Sexta Crucem proprijs
humeris ignominiosè ad montem Caluariaz depresso, inclinatus & cruentatus
baiulare voluisti: da mihi sic intrepide Crucem penitentiae quotidie baiulare,
ut ad te montem aeternæ beatitudinis merear peruenire. Qui viuis & regnas &c.

Dum casulam induit, Precatio.

IEsu gloriofissime, qui ueste purpurea, lacera & deristoria induit à Iudeis atro-
cissime iam coropatus voluisti, & tanquam leprosus hominumq; despectissi-
mus coram omni populo præsentari, intime te deprecor, ut illam miserabilem

LIBRI II. PARS IV.

ac despicabilem vultus tui diuinissimi speciem cordi meo perspicaciter imprimas,
fortiterq; infigas, qualem visus es o rex gloriae & æternæ patriæ reparator, illa ho-
ra habuisse. Qui cum eodem Patre & Spiritu sancto &c.

Sub diuinissimo Missæ officio, vt sc quisque celebrans exercere
debeat.

Quando laua manus celebraturus, Precatio.

Domine Iesu Christe, en tibi soli peccavi, tu solus nosti iniuritatum & negli-
gentiarum mearum fordes, laua & munda me in sanguinetuo ab omnibus
peccatis, vitijs & negligentijs meis. Et quia totus inops, miser, egenus & pau-
per sum, ne in conspectu tuo omnino appaream nudus & confusus, da mihi merita
sanctissima vitæ & passionis tuæ. His me indue, quia in ijs solus confidens, au-
debo apparere in conspectu diuinæ & superexcellentissimæ Maiestatis tuæ. Qui vi-
uis & regnas. &c.

Alia ad idem, brevior Precatio.

Omisericordissime Domine Deus meus Iesu Christe, purifica me in sanguine
tuo ab vñineris peccatis, vitijs & negligentijs meis, vt puro ac simplici cor-
de tibi semper placeam, & amore feruentissimo inhæream, Amen.

Quando laua in Missa manus devotissima meditatio.

Cogita & ingemiscere pro sordibus tuis, quod stas creatorem cœli & terra (cui se totus
orbis inclinat, quem Angeli tremunt & adorant) tractatus & sumpturus, indig-
nus, adeoq; vilis & impurus in oculis eius, vt cum multo dolore cordis merito sepius
ad illum clames: O misericordissime Deus, propitius esto mihi peccatori: O colen-
de, o metuende, o adorande omnipotens æterne Deus, quid facio? Tu æ misericor-
dæ infinitæ me committo. Obsecro te pietas immensa, non finas vt offendam te:
Aut munda me à peccatis meis & purifica cor meum ab omni prauitate, aut occi-
de me, ne peccem in te. Dulcissime Iesu, omnes sensus, omnes vires, cogitatus & af-
fectus meos include & stabili intra cor tuum, & perpetuo ibi sepeli, vt tecum sima
& maneam totus in æternum. Laua me Domine ab omnibus peccatis, vitijs ac neg-
ligentijs meis, quo templum Spiritus sancti effici merear. Ah vñiam puro, simpli-
ci ac humili corde tibi semper placeam, & amore castissimo ac feruentissimo tibi
semper inhæream.

Memorie viuorum in Missa seruande, brevis formula per casus.

Memento Domine mei miserrimi peccatoris: in gratiam tuam me recipias, Nomen-
ab omni peccato me liberes & præserues, custodias, dirigas, teneas atque
totum me possideas. Conuerte me totum in laudem, in honorem & in be-
neplacitum tuum, vt de me, per me & in me tua laudabilissima voluntas semper
fiat, vt in omnibus & singulis ita sim, ita me habeam, quemadmodum maxime pla-
ceret tu æ sanctissima voluntati. Vñiam vulneres, repleas, absorbeas, vniuersaliter me
tibi perfectissima, ardentiissima, fidelissima atque perpetua charitate, vt ex toto
corde meo atque omnibus animæ medullis te diligam, te sitiam, quæram, laudem
& benedicam in omnibus & super omnia, te solum cogitem, te solum desiderem,
tibi soli placere cupiam, tibi soli totus inauertibiliter inhæream, & omnem tempus
vitæ meæ, omnesq; vires animæ & corporis in laudem, gloriam & beneplacitum
tuum expendam, Amen.

P 2

Simi-